

Na osnovu člana IV. 4. a. Ustava Bosne i Hercegovine Parlamentarna skupština Bosne i Hercegovine, na sjednici Predstavničkog doma održanoj 20.novembra 2001. godine i sjednici Doma naroda održanoj 20.decembra 2001.godine, usvojila je

Z A K O N

o izmjenama i dopunama Zakona o vanjskom dugu

Član 1.

U Zakonu o vanjskom dugu ("Službeni glasnik BiH" ,broj 1 /97), u Poglavlju I član 2. a) riječi: "Ministarstvo za vanjsku trgovinu i ekonomske odnose" zamjenjuju se riječima: "Ministarstvo za trezor institucija BiH (u daljem tekstu: Ministarstvo za trezor)".

U ostalim članovima Zakona gdje se pojavljuju riječi: "Ministarstvo za vanjsku trgovinu i ekonomske odnose", riječi: "Ministarstvo za vanjsku trgovinu i ekonomske odnose Bosne i Hercegovine", riječi: "Ministarstvo vanjske trgovine i ekonomskih odnosa" i riječ "Ministarstvo", u različitim padežima, zamjenjuju se riječima: "Ministarstvo za trezor" u odgovarajućem padežu.

Član 2.

U Poglavlju I član 2. b) ii) alineji 5. riječi: "i Budžetom Bosne i Hercegovine," brišu se.

Član 3.

U Poglavlju I član 2. c) 1) i u alineji 1. riječi: "Budžetom Bosne i Hercegovine" zamjenjuju se riječima: "organizacionom jedinicom za budžet Ministarstva za trezor".

Član 4.

U Poglavlju II član 2. b. mijenja se i glasi:

"b. Saglasnost Parlamenta i ratifikacija. Predstavnici kreditora će biti upoznati s tim da će svi dogovori oko otplate duga biti podložni ratifikaciji od strane Predsjedništva Bosne i Hercegovine uz prethodnu saglasnost Parlamentarne skupštine. Ta saglasnost i ratifikacija mogu biti doneseni po skraćenoj proceduri koju usvoji Parlamentarna skupština Bosne i Hercegovine".

Član 5.

U Poglavlju II član 4. a) riječi: "i Budžet Bosne i Hercegovine" brišu se;
u tački c) 1) riječi: "Budžetu Bosne i Hercegovine," brišu se; i
u tački c) 4) riječi: "Budžetu Bosne i Hercegovine i" brišu se.

Član 6.

U Poglavlju II član 7. a. riječi: "i Budžetu Bosne i Hercegovine" brišu se.

Član 7.

U Poglavlju V član 1 . b. alineji 5. riječi: "kao ratifikacija sporazuma, i " brišu se.

Iza alineje 5. dodaje se nova alineja 6, koja glasi:

-“U pogledu saglasnosti Parlamentarne skupštine Bosne i Hercegovine i ratifikacije sporazuma o zajmu, analogno će se primjenjivati odredbe člana 2. b. Poglavlja II ovog zakona.”.

Član 8.

U Poglavlju VI član 3. b) riječi: "Budžetom Bosne i Hercegovine," brišu se.

Član 9.

Ovaj zakon stupa na snagu narednog dana od dana objavljivanja u "Službenom glasniku BiH" , a objavit će se i u službenim glasilima entiteta.

PS BiH broj 60 /01
20. decembra 2001. godine
S a r a j e v o

PREDSJEDAVAJU]I
PREDSJEDAVAJU]I
DOMA NARODA
DOMA
PARLAMENTARNE
PARLAMENTARNE SKUPŠTINE BiH
Sejfudin Tokić

PREDSTAVNIČKOG
SKUPŠTINE
BiH
dr. Željko Mirjanić